



## SOKNERÅDSMØTE GLOPPEN SOKN

Onsdag 19. august 2020

**Til stades:** Hege, Arne, Oddhild, Eivind, Laila, Berit, Bjørn, Vidar og Åslaug (ref.)

Opningsord ved: Bjørn

### REFERATSAKER

**Sak 48/20 Godkjenning av innkalling. Saker til eventuelt.**

Soknerådet godkjente innkalling og sakliste.

**Sak 49/20 Godkjenning av protokoll frå sist møte.**

Soknerådet godkjente protokoll frå førre møte.

### VEDTAKSSAKER

**Sak 50/20 Konfirmasjon 2020. Gimmestad 5. sept. 20 (kl. 11) og Vereide 19. sept. 20 (kl. 10 og kl.12)**

Vidar orienterte om konfirmasjon i år, og endringar med tanke på covid-19. Konfirmasjonane gjennomførast på lørdagar, med ein benk til kvar confirmant. Gudstenesta blir streama. Vidar bestiller roser, som medliturgar frå soknerådet skal dele ut.

Medliturgar Gimmestad:

Oddhild, Hege og Berit

Oppmøte kl 10

Medliturgar Vereide 1 og 2:

Arne, Bjørn, Eivind, Laila

Oppmøte kl 9. Berit er der med kyrkjekoret og kan bidra i pausen mellom. Åslaug kan vere i back-up for evt. reinhald mellom gudstenestene. (Endring sia møtet: Åslaug er medliturg på siste gudsteneste i staden for Bjørn)

Einar Ove er ansvarlig for parkeringsvakt på Vereide, Berit tek kontakt med han.

**Sak 51/20 Medliturgsamling 17. sept 2020**

Det skal vere i temasamling om ny gudstenesteordning for medliturgane, dei er ein god høyringsinstans. (Innføring av ny ordning er utsett til første pinsedag 2021.) Medliturgsamlinga skal vere i Sandane kyrkje kl 18. Det blir ikkje matsservering grunna smittesituasjon. Det utvida

gudstenesteutvalet skal ha møte 9. september. Frå soknerådet vårt møter Oddhild og Eivind både i det utvida gudstenesteutvalet, og på medliturgsamlinga 17. september.

#### **Sak 52/20 Søknad om bidrag til dekking av kostnader i samband med diakonviglinga**

Kyrkjeverjen har søkt sokneråda om bidrag til å dekke dei ekstra kostnadene som kom grunna covid-19, då samlinga etter vigsla vart lagt til Gloppen Hotell i staden for folkehøgskulen. Han føresler følgjande deling, rekna ut frå folketal:

- Gloppen 65% av 14750,00 = kr. 8 850,00
- Breim 25% av 14750,00 = kr. 3 687,00
- Hyen 10% av 14750 = kr. 1 475,00

Soknerådet i Gloppen vedtek å bidra med sin del, ut i frå kyrkjeverjen sitt forslag.

#### **Sak 53/20 Samarbeid med Møtepunkt B**

Berit refererte frå Handbok for sokneråd og kyrkjelege fellesråd, og strategiplan for soknet. Samarbeidsmøte som er planlagt med leiargruppa i Møtepunkt B 24. august har førebels ikkje noko konkret tema, men det kan vere positivt å møtast til dialog utan at det er spesielle ting å ta opp. Det kan vere teneleg å orientere kvarandre om verksemda, og snakke om kva som fungerer bra og mindre bra. Soknerådet drøfta om vi skal ta sikte på å starte prosessar med eit eller anna formelt samarbeid som mål, men vi konkluderte ikkje på dette. Kyrkja har tatt initiativ til møta så langt, og det er uklart om det blir møte 24. august. Prest og soknerådslerar deltek frå soknerådet.

### **ORIENTERINGSSAKER**

#### **Sak 54/20 Barnekroken**

Kyrkjevergen er kontakta angående planane, og er særst positiv. Han blir med på synfaring. Eivind og Åslaug følger opp denne saka vidare saman med han.

#### **Sak 55/20 Prosjekt Nordfjord**

Dette er eit samarbeid mellom bispedømmet og KFUK/M. Det er tilsett ein person som skal jobbe med ungdomsarbeid i heile Nordfjord. Dette er nybrottsarbeid, prosessen har gått fort og det blir spennande å sjå kva som kjem utav det.

#### **Sak 56/20 Orientering om tru-arbeidarar**

Ein medarbeidar har sagt opp stillinga og ein annan er sjukemeld. Situasjonen kan medføre at meir av trusarbeidet må gjerast på dugnad. Det kan også ha konsekvensar for økonomien, og dei midlane soknet bidreg med til fellestådet for desse stillingane.

Førre sokneråd ønska å ha søndagsskule i Sandane kyrkje, og frivillege tok det på seg. Sidan dette arbeidet vart initiert av førre sokneråd, er det viktig at også sitjande sokneråd har eigarskap til det, og støttar opp om det.

#### **Sak 57/20 Covid-19**

Vi må bu oss på at covid-19-tiltaka er den nye normalen, og gå gjennom tiltaka med tanke på det.

#### **Sak 58/20 Kantorstillinga**

Det er no søkarar til stillinga.

#### **Sak 59/20 Dugnad på kyrkjegardane**

Berit orienterte. Kyrkjegardsarbeidaren driv no med rydding på kyrkjegardane, og dette arbeidet

dreg ut i tid. Det er derfor er usikkert om det blir klart i tide til å ha dugnad i år.

## **EVENTUELT**

### **Dugnadskortet**

Vi må orientere om dette på medliturgsamlinga, sånn at medliturgane kjenner til ordninga godt. Då er det lettare å få god informasjon ut i gudstenestene.

### **Neste møte**

Neste møte er 23. september. Frist for innsending av saker er 14. september.

Åslaug Haugset, sekretær.